

## Ta ken nos **Redentor, Salvador, Berdat, Yeshua, Esun Ungi** a duna **Poder, Forsa, Sabiduria i Grasia?**

### 1 Juan 2:27 ta bisa:

I pa loke ta boso, e **Unshon**, e **enkargo konsagrá** ku boso a risibí di **Dje** ta **permanesé** permanentemente den boso **kurason**, i asina boso no tin mester di niun otro **maestro** pa **siña, instruí òf ordená** boso; ma manera **Su Unshon** ta **siña, instruí òf ordená** boso tokante di tur kos, i ta **berdadero i honesto** i **no ta un mentira òf falsedat**, i asina meskos boso **permanesé, biba den, i no kita for di den Dje**, komo si-fuera **ankra i mara den Dje**, manera **Su Unshon** a **siña, instruí òf ordená** boso pa hasi.

Si **Su Unshon** ta **berdadero i honesto** i **no un mentira òf falsedat**;

1. Ta nifiká awor ku dor di **Grasia** nos ta **liber** di e **Lei (Torah)**, e **mandamentunan, e enseñansa?**

Esaki **Moisés** a bisa di e **Lei (Torah)** den **Deuteronomio 32:45-47**:

Ora Moisés a kaba di resitá tur e palabranan pa henter **Israel**, el a bisa nan: "Pone bosnan **mente** i **kurason** riba tur e **palabranan** ku mi ta **spièrta boso** kuné awe, ku boso lo **ordená boso** yunan pa **pèrkurá di kumpli** ku nan, tur e **palabranan** di e **Lei** aki. Pasobra esaki no ta un **palabra bashí** i **sin balor pa boso**; di **Bèrdat, esaki ta boso bida mes**. I pa medio di e **palabra** aki boso lo **prolongá boso dianan** na e tera ku boso ta bai krusa Jordan pa **poderá** di djé."

Esaki **Yeshua** a bisa di e **Lei (Torah)** den **Mateo 7:12-14**:

Pes-ei, tur loke boso kièr pa **hende** hasi pa boso i ku boso, hasi meskos pa nan i ku nan, pasobra esaki ta resúmen di e **Lei** i e **Profetanan**. "Drenta dor di e **porta smal**, pasobra **hanchu ta e porta** i **espasioso i hanchu e kaminda** ku ta hiba na **destrukshon, perdishon, ruina, mizeria eterno den fièrnu** i hopi ta esnan ku ta dreña dor di djé. Pasobra **chikitu ta e porta, dor di preshon** i **smal e kaminda rekto i komprimí ku ta hiba na bida eterno**, i poko ta esnan ku ta hañé."

### Den Hakobo / Santiago 2:10 tin skirbi:

Pasobra ken ku **kumpli ku, atené na** henter e **Lei komo kompleto** i ta **trompeká, ofendé, faya** den **ún solo mandamentu**, esei a bira kulpabel di kibra tur e otro **mandamentunan**. Pasobra **Esun** ku a bisa: "No kometé **adulterio**," a bisa tambe: "No **mata**." Awor si bo no ta kometé **adulterio**, ma bo ta **mata** sí, bo a bira un **violadó** di e **Lei komo kompleto**.

Esaki kièr-men nos **no por skohe** kua di **mandamentunan** nos ta **obedesé** i kua nos ta **desobedesé**.

**Yeshua** a bisa den **Marko 4:8**:

"Ma un otro parti di **e simia a kai den bon tera, bon adaptá**. Nan a **krese, bona i duna fruta**. Algun a duna **trinta be**, otro **sesenta be** i algun otro a duna **shen be mas tantu fruta** ku loke a **sembra**."

**Yeshua** a **splika** den **Marko 4:20**:

"Pero tambe tin hende ku sí ta manera **e simia ku a kai den bon tera, bon adaptá**; nan ta **skucha e palabra i asepte**. Algun di nan ta duna **trinta be mas tantu fruta**, algun **sesenta be mas tantu** i algun di nan **asta shen be mas tantu**"

E **simia (mandamentunan, enseñansa)** a kai den **bon tera (skucha e palabra i asepte)**  
i a **krese, bona i duna fruta**.

Awor e **trinta, sesenta òf asta shen be mas tantu fruta** ta keda na abo!

29 Juli 2016

Sea Bendishoná den e Amor di Yeshua Mesias

Rev. Remsly L Riley